



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Quòd difficilè sit grauter peccanti sub gradu, manere in gradu. lxxviii.

**urn:nbn:de:hbz:466:1-10722**

Quod coniugati in quadragesima abstinere debeant ab  
uxoribus. Cap. LXXVI.

Qui in quadragesima ante Pascha cognouerit uxorem. *Ex cōcil.  
Elibertā.*  
suam, & noluerit abstinere ab ea, vnum annum pœ-  
niteat, aut precium videlicet viginti quinque solidorum ad  
Ecclesiam tribuat, aut pauperibus diuidat. Si per ebrieta-  
tatem, & sine consuetudine acciderit, quadraginta dies pœ-  
niteat.

De illis qui in quadragesima diebus carnem manducare  
presumunt. Cap. LXXVI.

Quicumque in Quadragesimæ diebus esum carniū *Ex cōcil.  
Toletan.*  
presumpserit attentare, non solum reus erit resurre-  
ctionis dominicæ, verum etiā alienus ab eiusdem diei san-  
ctæ communionē. Et hoc illi cumuletur ad pœnam, vt in ip-  
sius anni circulo ab omni esu carniū abstinere: quia sacris  
diebus abstinentiæ oblitus est disciplinam.

De fratre non peccante ad mortem, & ad mortem.

Capitulum LXXVII.

Qui scit fratrem suum peccare non ad mortem, po-  
stulet pro eo, & dabit ei vitam Deus. Si quis vsque ad  
mortem peccat, quia est peccatum vsque ad mor-  
tem, non pro illo dico, vt roget quis. *Ex epist.  
Ioannis  
Euangel.*

Quod difficile sit grauius peccanti sub gradu mane-  
re in gradu. Cap. LXXVIII.

Quicumque dignitatem gradus diuini non custodiunt, *Ex dictis  
Hierony.*  
contenti fiant animam saluare: reuerti enim in eum  
gradum in quo antea fuerant, difficile est.

De eadem re. Cap. LXXIX.

Qui sub gradu peccat, debet excommunicari: quia *Ex dictis  
Basilij  
episcop.*  
magna est dignitas huius nominis: tamen potest  
redimere animam suam post pœnitentiam, ad prio-  
rem enim gradum venire difficile est.

De eadem re. Cap. LXXX.

Qui sub gradu cecidit, post pœnitentiam contentus  
fiat baptizare, communionem infirmis dare, & al-  
tario tantummodo ministrare.